

















制府臚錄云、公在靈州、人有笑其演營習陣者、公謂予誠書生、不諳軍旅、嘗以古人行必謹、哨探止必修戰備爲法、故每諭諸將曰、無事常如、有事時隄防、有事常如、無事時鎮靜、又念武侯李靖未嘗廢營陣、世無岳武穆、豈可恃野戰以爲能邪、

甌陽謝純撰公行狀曰、安寧州有石淙渡、公凡撰述題識、皆以石淙繫之、故時人稱爲石淙先生、父諱景中、永樂癸卯鄉試、初判霸州、改灋州、遷廣東化州、同知、景泰甲戌十二月初六日、生公于化州、天順庚辰



父乞致仕携公便道訪前母劉氏家于巴陵壬辰公  
登進士癸巳以外艱解官訪姊氏于丹徒會公前室  
段氏繼卒二喪不任遠歸乃葬丹徒因家焉公爲山  
西提學僉事陝西提學副使作興士類連魁天下爲  
狀元者二人其以學行功業著聞者甚多具見于正  
學書院志及關西政教集等薦陞左副都御史督理  
陝西茶馬親歷荒邊攷求利弊茶利大興而馬亦蕃  
盛二邊餉給詳具御史陳講所著馬政志中會虜賊  
大舉司馬劉大夏奏謂楊一清在彼多才好問有德



善斷請勅改爲巡撫兼經略邊務勅下公卽率兵禦  
之上疏具陳邊事其一切興革計處事宜載西征實  
錄中世宗卽位薦起公者凡二十疏詔待缺起  
用特先遣官貢勅召起嘉靖四年正月授兵部尚書  
兼都察院左都御史兼理陝西諸邊軍務命巡撫都  
御史卽家敦遣起起嘉靖五年正月召入閣明年五月陞  
見復公吏部尚書起嘉靖六年八月加少師兼太子太  
傅御製詩一章起嘉靖九年八月十  
四日夜四鼓是夕寒風颼颼堂戶閉皆洞開有一卒



過公之門恍惚見公輿出騎從旌幟甚盛卒私念曰  
吾聞公病今將何之公病起邪及聞出大市又遇公  
如故天明方聞公歿矣

李元陽撰公墓表曰正德初閹人劉瑾有寵于上  
竊弄政柄公時總制三邊條列修邊事宜極有端緒  
朝宁翕然稱之瑾惡公不先白已內批罷公公遂引  
疾去位瑾怒公不已下之詔獄首相長沙李力救得  
釋瑾權日益重鼻息所向無敢違者六卿一言不合  
辱以荷校敢有乞骸骨去者中以奇禍相逢禁中



疏伏不敢仰視國事唯其意指危亂之幾已在旦夕  
時公家食日夜籌度不遑寢處五年安化王反寧夏  
命太監張永討賊永奏須文臣有智謀者一人同行  
召公仍總制陝西延綏寧夏甘涼各處軍務協同討  
賊公謂永曰藩室亂易除國家內變不可測柰何永  
曰何謂公曰寧夏事不足平非久當有捷報內變事  
非公無能爲也永永亦可與謀者佯若不知纔入陝界果聞仇鉞已  
擒賊永見公料事如神促膝問內變事公手畫瑾字  
永曰渠日夜在上傍不離上一時不見渠不樂



今其根幹枝葉連結已成

上徬皆彼手日安從得

一言入乎公曰此時已有間可入觀討賊不付他人

付公

上意可知矣言已卽就出二奏與永一言寧

夏事一言內變事囑永曰公班師入京見

上先進

寧夏奏

上必就公問公詭言請屏人語乃進內變

奏永曰卽不濟奈何公曰他人言濟不濟未可知公

言必濟顧公言時須有端緒萬一不信公公可頓首

請

上卽時召瑾沒其兵器請

上登城驗之若無

又狀殺奴餒狗又頓首哭泣

上必大怒瑾瑾誅公



天用益矯所爲呂強張承業暨公千載三人耳但須  
得請卽行事無緩時刻永勃然作曰老奴何惜餘年  
報主乎已而永入京請見如公策上覽奏至瑾姪  
劉二漢方面大耳已謀不軌遂頓足卽召瑾入侍瑾  
不知已有別旨差永抄沒其家矣上命縛瑾下獄  
時尚未甚信及登城閱所抄兵器繩繩不絕始吐舌  
竟誅瑾等一時公卿士庶方敢出氣懽聲震天摘瑾  
肉而嚼者如市永乃備言公本謀與首相長沙李公  
同薦公才望公始柄用矣公七歲能屬文聰敏絕世



讀書過目成誦、人欲試其心計、戲取市家日曆、鱗雜  
米鹽之數、令目一過、輒無遺脫、故六經百氏無所不  
窺、官制兵衛、本朝故事、歷歷詳曉、八歲以奇童薦入  
翰林、爲秀才、及中進士、爲中書舍人、結交海內名士、  
文章日益有名、從學者日衆、如丹徒、斬貴同在內閣、  
太原喬宇爲冢宰、皆執弟子禮、公葬喬自太原至、丹  
徒持服奔喪、其師友之義何如也、公爲提學、調都人  
曰、吾於陝得三士、康海、呂柟、馬理也、後果爲聞人、弘  
治十五年、劉忠宣言、馬政廢壞、薦公陞副都御史、督



馬

召詣闕面授勅行明年公條上茶鹽監牧事宜

及易主馬吏奏請輒允牧事有成益開水草善地起

城堡廬舍河湟涼固間雲錦成羣十七年虜八花馬

池塞十八年

勅公經略邊務兼巡撫陝西禦虜虜

素畏公威名聞公至遁去改總制三邊兼理馬政是

年陞右都御史公上疏曰陝西各邊邊才延綏城堡據險

寧夏甘肅河山阻隔賊雖侵犯爲患猶淺唯花馬池

至靈州一帶地里寬漫城堡稀疎兵力單弱一或失

守虜衆拆牆而入犯我環慶寇我固原深入我平鳳



臨輦其間漢上襍處內變或因之而作根本動搖誠非細故。成化初年北虜在套彼時未有邊牆恣肆出入已而得巡撫寧夏都御史徐廷章修邊牆二百餘里濬溝塹一道又得巡撫都御史余子俊修濬完固北虜知不能犯不復入套者二十餘年世平人翫邊備稍疎牆旣日薄溝又日殘弘治十四年虜由花馬池拆牆而入戕破內郡始茂我邊牆爲不足畏連年擁衆拆入寧夏鎮巡屢奏乞築牆濬塹提督軍務都御史史琳又乞於花馬池韋州設立營衛兵部奏下



制尚書秦紘紘止添修四五小堡又於靖虜至興  
慶地方兆它邊塹一週七百里自謂可無虜患弘治  
十七十八年冬虜復大舉仍自花馬池清水營拆墻  
深入紘所修邊塹營壘不能捍禦沮遏虜攻陷清水  
營殘破花馬池上厓宸慮勅臣經理臣聞劣歷官  
陝西有年虜情邊事頗常究心但腹裏頻年旱荒倉  
廩空虛饋餉不繼虜賊動號數萬倏聚忽散未至而  
廣徵士馬則徒費芻糧既至而調兵應援則緩不及  
事縱使大兵旣集務速則彼或不來持久則我師先



老恐終無以伐其深入之謀沮其方張之勢常聞防  
邊之計莫危於戰莫安於守臣恐坐談不如親見自  
慶陽環慶延綏定邊寧夏花馬池興武清水營直抵  
寧州一帶沿邊城堡墩臺躬親閱視廣集衆思兼收  
羣策衆酌損益始有定論其大要有四修濬壙塹以  
固邊防增設衛所以壯邊兵經理寧夏以安內附整  
飭韋州以遏外侵但陝西財匱民勞修邊之役人多  
異議然而利害有輕重關係有大小人事可成則小  
費不足計遠効可圖則近怨不足卹此臣區區



寸心也。今之河套卽周之朔方。漢之定襄。赫連勃勃  
統萬城也。唐張仁愿築三受降城。置烽堠千八百所。  
自是突厥不敢踰山牧馬。朔方無寇。歲省費億計。咸  
鎮兵數萬。受降遠在河外。古之舉大事者。勞而后佚。  
類如此。受降據三面之險。當千里之蔽。正統以來。浸  
失其險。舍受降而衛東勝。已失一面之險。又輟東勝。  
以就延綏。則以一面之地。遮千餘里之衝。遂使河套  
沃壤爲虜。旣脫巢穴。其中深山大沙。勢固在彼。而寧  
夏外險。反南備河。此陝西北虜之患。所以相尋而莫



之能解也。茲欲復守東勝，因河爲固。東接大同，西接寧夏，使河套之千里之地歸我耕牧，開屯田數百萬，用省內運，不然則陝西用兵殆無虛日。八郡之人疲於奔命，民窮盜起，禍將何極？及今將延綏寧夏一帶邊防設法整飭，賊來有以告之，雖非上計，尤愈于無策。醜虜聞知，或數十年未敢輕犯我，得休養生息，東勝之議未<sub>公○得○方○一○處</sub>必終不<sub>復也</sub>。世之論邊事者，或專主于戰伐，臣以築牆挑<sub>爲言</sub>，宜必增茲多口，但受恩澤，自當爲國<sub>守</sub>固。今年套內無賊，腹裏有秋，人



民稍安、正可有爲伏望 聖明俯垂省覽、下兵部議  
勅公經理、正德二年、公言臣兼巡撫、不能專力馬政  
瑾惡公、公遂去、兵部疏言邊務甚急、修邊防、虜舍一  
清、無可代者、不報、乃議上文貴張鼎、曹元、乞簡用瑾  
不欲修邊、內批罷役銀、鎔大鋸解京、由是朔方復套  
之議竟中止、人謂瑾虜交通、欲外亂以濟己私、或然  
也、瑾誅 召公入戶部尚書、尋加太子太保、十年入  
內閣、加少傅、太子太傅、武英殿大學士、  
吾學編云、公生而隱宮、貌類寺人、學博才雄、善調停



應變濟務尤曉暢邊事羽檄旁午一夕十疏口占指授悉中機宜又好汲引人人或訾已顧揚薦之一時俊達喜功名者爭趨其門嘉靖二十七年贈太保謚文襄



太保費文憲公

費宏字子充號鶩湖鉛山縣人祖樂庵授五子長均起鄉薦早卒次瑄起進士官至叅議號復庵復庵宦遊于外而五峰暨弟順庵璵遂主家政宏生而秀異與季叔雪峰瑞相上下復庵喜曰亢吾宗者必二子也携入京躬課督之癸卯甫冠遂與雪峰同領鄉薦甲辰試春官不利卒業北雍時少保丘文莊公爲祭酒少宗伯補庵費公爲司業皆重之丁未舉進士爲廷試第一人授翰林院修撰初宏之上春官也復庵



方以都水主事出治呂梁貽書與宏曰汝脫下弟母  
南歸宜入北監讀書丙午代還宏訊曰伯父何以知  
宏不弟令入北監也復庵笑曰此爾遠到之兆也吾  
嘗夢汝入北監領班籤籤乃彭文憲公故物文憲嘗  
遊北監中狀元矣汝弟勉之至是果然是歲八月  
憲廟上賓預修實錄庚戌同考禮部試丙辰皇太  
子出學青宮首改左春坊左贊善武廟祠服擢太  
常寺少卿兼翰林院侍讀丁卯擢禮部右侍郎進左  
侍郎時逆瑾竊柄凌轢公卿會瑾敗諸所變更悉皆



釐正唯山東河南陝西山西鄉試解額瑾稍增其數  
宏謂才賢國家大典且開科期迫請今科姑聽之俟  
後復舊上可之十月陞禮部尚書鑄印局額設大  
使副使各一員食糧儒士二名及滿將補投考者不  
下數千人請託者半之當事者每難處分宏於食糧  
二名外預取聽缺者四人習字者四人擬次第補度  
可逾十數年由是投考及請託者皆絕跡辛未十二  
月奉旨兼文淵閣大學士入閣供事甲戌二月進  
戶部尚書兼秩如故會錢寧入宸濠賄規復護衛宏



執不可有同列嫉宏而覬其位者陰助寧一日忽傳  
旨詰責宏因引咎力請退有旨令致仕而從弟翰林  
編修案亦罷抵家杜門謝客不敢履城府築樓一區  
日課諸子會羣從有與鄉人爲仇者赴愬會城濠知  
之招仇家人令拮據入奏欲以聳動上意奏入下  
都察院時大司馬幸淹彭公澤掌院事洞濁其奸旣  
駭罷又欲加罪濠知計不行乃嗾羣兒嘯聚奸細焚  
略其室廬積聚又侵毀其先墓宏恐避處縣城己卯  
六月濠因朝會殺巡撫孫燧及副使許達發兵反隨



遣數十騎趨信圖宏過進賢爲縣令劉源清所斬會  
王公守仁以羽檄徵兵列郡信守周朝佐鉛令杜民  
表等皆率兵往宏爲贊畫方略遣人間道致書於王  
濠平王欲上聞時侍御謝君源伍君希儒方隨軍紀  
功乃奏曰大學士費宏編修宋當護衛之再請也昌  
言明沮已懷先事之憂及逆謀之既成也間道獻策  
又急勤王之義逾年世廟入繼大統甫旬日卽降  
勅起宏而宋亦召用時辛巳四月也甲申五月進吏  
部尚書謹身殿大學士八月大同卒叛殺叅將賈鑑



巡撫都御史張文錦議者欲遣將出師以討之宏曰  
變出于激不叛者固多也討之勝則玉石俱焚不勝  
則彼拒城抗命損威傷重甚矣乃議先遣兵部右侍  
郎李昆往撫諭以觀其變而以都御史蔡天祐往巡  
撫命都督桂勇鎮守其地代還舊總兵官江桓乙酉  
武廟實錄成進少師兼太子太師賜宴禮部時弟宋  
從子懋中皆翰林編修預史事宋進左贊善懋中進  
修撰丙午六月獻皇實錄成加正一品俸兼華蓋  
殿大學士是年累以疾辭上上不允丁亥二月疾



作辭益力。上乃允之。時子懋賢登進士選庶吉士。疏乞歸侍養疾并允之。令疾瘳日照舊作養。乙未四月有。肯起用遣行人王憲芝捧勅催促宏遂于六月朔冒暑行至七月十二日到京入閣供職。丙午召見文華右室賜銀圖書一文曰舊輔元臣。十月十九日陪祀歸一夕逝享年六十八。贈太保謚文憲。







太師張文忠公

張孚敬初名璉字秉用永嘉人別號羅峰弘治丙午

以詩經中省試七上春官始中庚辰會試辛巳世

宗臨軒策士賜進士出身時廷議

睿宗獻皇帝尊

號璉上疏爲

上明父子之倫語意諄切嘉靖壬午

授南京刑部主事甲申以議禮未決再上疏

召至

京廷議陞翰林院學士乙酉陞詹事府詹事仍兼學

士丙戌擢兵部右侍郎經筵講書如舊進謁廟議及

奉安

獻皇帝神主禮議丁亥轉左進大禮要略



命開館纂修明倫大典及命讞大獄署都察院事

賜勅獎諭并賜二品服色金帶給三代誥命陞禮部尚書兼文淵閣大學士照舊纂修勅賜玉帶并銀

圖書二曰忠良貞一曰繩愆弼違理都察院未久奏革各處濫設鎮守內臣清勘近京皇親庄田戊子加少保上享太廟回璫侍道側上屢顧賜詩褒美

有貌奇真才傑形端志氣伸予喜荷天貺賚賢作邦珍之句再賜玉帶璫進姚溪書院集上賜書院

名及堂名命有司于書院中建敬一亭石刻



註范氏程氏五箴。命註冠服圖成。賜勅并金帛蟒  
衣。本年六月明倫大典成。加少傅兼太子太傅吏部  
尚書。謹身殿大學士。給四代誥命。廕一子爲中書舍  
人。章聖皇太后賜諭慰勞。并賜金繒。己丑。命主會  
試。尋勅諭重修大明會典。是年夫人蔡氏卒於京。命  
禮部尚書李時諭祭。遣員外郎張寰治葬事。八月。以  
災異辭准休致。一次。至天津。遣行人周禪齋勅守。取復任。  
仍賜銀記一枚。庚寅。賜明倫大典大學衍義五經四書  
各一部。以一品初考。賜勅褒諭。廕一子爲國子生會。



議郊祀成賜玉帶尋以名音同 御名請更易疏再

上 上親爲撰名字賜名孚敬字茂恭孚敬遂以賜

金作堂於寓所 上又以 獻皇帝手書榮恩堂裝

潢成軸 御筆金書 皇考手澤以扁公堂 賜銀

印篆曰永嘉張茂恭印又 賜孚敬茂恭御書大字

二幅是年雷震午門西樓乞休賜牙笏公服比抵家

而西苑工完乃遣布政使以下賚 賜銀幣 上念

公不置又遣行人周文燭賚 勅取復任壬辰命兼

太子太師華蓋殿大學士復乞致仕癸巳差少卿陳



璋賁 勅起取復加少師再給三代誥命封贈如制  
賜銀印二是年 皇嗣生賜銀幣甲午 命有司爲  
作樓於府城以藏 御書文劄 賜額曰寶綸又命  
工部置扁差署丞朱守宣賁送乙未兩考 賜勅獎  
諭廕一子爲中書舍人以疾再乞休致差行人周文  
光御醫袁遷賁 勅送還鄉月給廩米歲撥輿隸有  
司時加存問丙申差錦衣衛千戶劉昂賁 勅視疾  
諭疾愈還朝至處州疾作遂回再起至金華疾又作  
已亥二月六日疾革遂不起



王世貞傳曰公浙之永嘉人貌魁傑有大志二十四而舉於鄉數上禮部不利歸而聚徒教授姚溪山中扁其讀書所曰羅峰書院人或謂公去諸生何幾而書院爲笑曰諸生不當書院邪遂爲諸生祭酒蓋又二十二年而中禮部試而武廟方南巡明年世宗皇帝卽位始臨軒策士公得二甲隸事大理時上以興世子入繼大統下廷臣議所以尊崇獻皇帝若后者久之不決公乃上書大略言上以世子入繼武宗皇帝統非繼武宗嗣也今以後



宗則弟以後 孝宗孝宗自有子奈何舍 獻帝勿  
考而考 孝宗使 獻帝有子而無子 上有父而  
無父哉 上心是之而迫於輔臣禮官議已報聞公  
亦去而爲南京刑部主事因下議上書爭之曰是二  
本也 孝宗法得稱皇帝伯考不得稱考 獻帝得  
稱考不得稱本生因上所草或問二篇於是桂文襄  
公薨疏亦上具如公指而中外士大夫側目而視公  
且齟齬之矣然 天子益以心動方公獻夫霍公韜  
輩益推緣公說而進之 天子用以連挂輔臣禮官



口凡三下詔始定。召公與桂公超拜翰林學士。雖以驟顯重。然猶不能容公卿間。而益侃侃自發。舒亡所避。天子愈器之。明年進詹事。爲經筵講官。又明年遷兵部右侍郎。俄轉左學士。侍經筵如故。遂爲禮部尚書兼文淵閣大學士。輔政。領都察院。賜勅諭。約束中外御史。所以褒獎殊至。賜玉帶。尋賜銀記二。得密疏言事。明年加太子太保。公以 上未有太子。官不當設。乃改授少保。 上已尊崇 獻皇帝后。錄前後諸臣議。而取衷于公。書成名之曰明倫大典。進公



少傅太子太傅吏部尚書謹身殿大學士予四代誥  
官一子。是時楊文襄公一清居首揆。以才受。上知  
然不能如公深而。上之所密問公。月以十數。時時  
稱公別號及字。桂公亦入輔。名寵俱當。公亞所言事  
不能無相左。以故稍不平。爲惡語交關。上前楊公  
得因是以間公。詔公暫歸俟用。而桂公削保傳以  
免。公歸至天津而。上念之。卽詔行人召復相。公  
公入而楊公爲霍公所論逐矣。上怒楊公甚。欲置  
之詔獄。公力爲寬解得免。上嘗諭公曰。留都天下



首地而事皆中貴人專之何悖也擇宗室一人留守  
便公言高帝以親王領宗正不久而罷之宗室不  
預政久矣臣不敢奉詔自是乃數數言中貴人暴橫  
狀上爲悉裁革鎮守監鎗市舶之類大功後先殆盡是  
時上日事經筵作敬一箴及宋儒五箴註皆發之  
公天下欣欣望太平而公又自言禮起上以明聖  
述作爲任事取公裁定若分祭天地南北郊尋壇於  
東西爲朝日夕月正先師號易像而主帝后行耕蠶  
禮皆其大者居第成以獻皇帝手書合春堂及金



帛羊酒賀而所讀書姚溪山中者書院下有司爲新  
之賜名曰貞義其堂額曰抱忠時夏文愍公亦以言  
禮貴驟當上意於公不能盡合而會雷震午門西  
序有言公橫者乃乞休比行上賜公服牙笏以識  
意歸無何召復位進兼太子太師再乞休再召  
進少師時昭聖皇太后于上有推立恩而上  
所生章聖皇太后日重昭聖猶以故事裁之  
上不懌而昭聖之弟昌國公鶴齡建昌侯延齡早  
倖橫燕中所爲多不法燕中少年微知上指乃上



變告其詛厭怨望大逆殺人事下獄按皆誣罔獨延  
齡殺人頗有狀上益怒遂欲坐延齡反族其家公  
以爲延齡殺人抵償當而坐之反族不可夫延齡財  
虜耳何以能反凡數詰問具對如初乃論延齡殺人  
罪屬秋盡當論公復與其僚方公上疏謂昭聖太  
后春秋高卒聞延齡死能不內傷痛乎萬一不食有  
他故何以慰敬皇帝在天之靈上恚謂公自古  
強臣令君非一若今愛死囚令我矣當自悔不從延  
和邪廷和者初持考敬皇帝相也上故爲重語



欲以惕止公。公持力不已。乃下詔。悉緩諸當論者。而終公與太后世延齡得長繫矣。公爲相。務以明天子尊信國威。重輔臣體。其初潞州盜陳卿據青羊山。殺官吏。中外頗務姑息。而公獨破之。卒捕誅卿。大同叛卒殺其將。公薦劉源清。卻承爲大帥。以必得賊爲主。而所薦頗不任帥。賊挾虜以重。僅購其黨。自相殘。得一二主謀者。夏公以撫之說進。而公稍屈矣。公有子中書舍人遜。志賢而夭。哭之成疾。乞歸。上謂公胡忍舍朕也。得無以言故邑邑。幸寬之。蓋謂夏公也。



公抗辯不置然自是乞歸益力而 上益厚公至手  
調藥以賜曰古有剪鬚和藥者吾手調亦庶幾焉其  
專精神加食自愛以輔朕爲忠之大公感泣疾益甚  
以死誓歸 上知不可奪乃許致仕歲給八騶月俸  
米八石公歸明年 上使錦衣緹騎帥視公疾且促  
還朝公強起至處州疾作歸再起至金華疾復作益  
又三年而卒春秋六十有五 上時幸承天聞計爲  
哀慟下書褒揚甚至贈太師謚文忠按公在公車最  
久而其成進士僅六載而拜相 天子之所以禮信



之者自明興無兩焉凡所創革典制雖上自信以  
天啓而得之公者深矣公博洽典籍所撰對班班可  
據其所以合非偶然也公歿未幾居第侵風雨力不  
能飭而孫多假貸於人以食嗚呼此不可觀公哉公  
別號羅峰所爲名書院者也最後上呼羅山贊  
曰公相而中涓之勢絀至于今垂五十年士大大得  
信其志於朝而黔首得安寢於里者誰之力也夫禮  
失而求之心而已矣王子曰凡言禮而貴者其人才  
皆磊磊卽不言禮亦有以自見



許文簡曰、公天性孝友、氣度朗豁、博極羣書、奇偉迥特、非時俗庸淺所能揆測、及當事蒞政、執法以往、剛崛不回、遭遇聖主、建明大禮、乃知殷宗思治、夢帝賚傳、周宣中興、嶽降生申、有由然也。

吾學編曰、余見學士大夫多訾李公、豈其然哉、豈其然哉、文正爲政、值奸凶隕名、毀迹保護善類、卒之日、諸門生故吏、醵金錢爲葬具、不一二年、家人不免于凍餒、余嘗過其門、蕭然四壁、不足當近日輔臣一宴會之費、楊公文武兼資、處理瑾、永、張、桂、間、固有深意、非



直任權術其濟不濟命也席公早自修檢才詔學  
又足展其志意所至注措有善譽張公晚年發憤抗  
朝議受知聖明得柄用攬才俊謝苞苴孤立行一  
意元侯中貴戢戢歛束要亦有以服其心矣

永史云張璪抗疏言時議欲考孝宗而叔興獻

王者拘定陶濮王陳迹耳漢哀宗英立爲皇嗣育之

宮中猶有父子之道今皇上以倫序當立循繼統

之義非爲孝宗後也稱興獻以皇叔鬼神既不

安矣稱聖母以叔母得不爲皇上臣乎謂皇



上以繼統而尊崇其親則可謂以繼嗣而自絕其親則不可。帝熟覽之喜曰此論一出吾父子獲全矣。遣諭廷和曰此議寔遵祖訓據古禮爾曹何得誤朕。廷和曰書生不知國體復持上又云甲申三月帝召張璁等詣京都御史吳廷舉恐璁等復倡初說請勅諸王及兩京耆舊大臣各陳所見以備採擇璁等復上言統嗣之辨且曰今日加稱不在皇不皇寔是在考不考若爭一皇字則執政必姑以此塞今日之議帝御平臺召冕紀宏諭加尊號及議建室冕對曰臣



願陛下爲堯舜不願爲漢哀。上曰堯舜之道孝弟而已矣。冤等不能對。時黃綰亦申璵議。帝命草勅加尊號。戶部侍郎胡瓚言大禮已定。帝書督賑江淮。實關民命。不必徵取。上從之。併止璵等。璵時已至鳳陽。見邸報。乃上疏極論兩考之非。且云本生二字決非聖衷所裁者。此禮官陰術似親之寔外之也。亟去二字。繼統之義始明。帝復命召蔣冕曰。二人來必撲殺之。帝趣使來。以席書爲禮部尚書。又命必加孝字。去本生母三字。冤爭曰。孝字唯用于祖



廟祝文今稱長子已竭孝思復加以孝有干正統本  
生母係勅諭擬定亦難遽刪已酉上 昭聖冊曰昭  
聖康惠慈壽皇太后庚戌上 興獻帝曰本生皇考  
恭穆獻皇帝 后曰本生聖母章聖皇太后布誥天  
下時張璠至東昌見之歎曰執政欺 上忍至此乎  
兩考並稱綱常愈紊不可但已又云萼等至京臺諫  
交章請與席書並罪章十餘上璠請 上親臨便殿  
集執政禮官聽臣等各擬典籍面議兩考之非再詔  
之誤科臣張璠取先後章奏請發刑部擬罪尚書私



語曰若得俞旨卽撲殺之。帝稍聞遂陞桂萼張璁  
爲翰林學士方獻夫侍講學士喬宇言桂萼偏執異  
說搖動人心請罷黜。帝切責宇遂求去從之璁萼  
列十三事以上。一曰三代已前無立後之禮。二曰  
祖訓不言立後。三曰孔子射於矍圃斥爲人後者四  
曰遺詔不言繼嗣。五曰禮輕本生父母。六曰祖  
訓稱天子爲叔伯父。七曰漢宣帝光武俱爲父立皇  
考廟。八曰朱熹嘗言定陶事爲壞禮。九曰古者遷國  
載主。十曰祖訓皇后治內凡外事無得干預不宜



假 昭聖懿旨十一日 皇上于 大行壽安太后

不得率天下終三年喪十二日新頒詔宜改正十三

日臺諫連名章疏勢有所迫禮官欺妄罪不可追疏

入何孟春復爲論條辯 帝切責之 帝采璫議遣

諭紀等去本生字紀復力爭 帝御平臺召紀宏珪

責之曰此禮當速改爾輩事君不以忠朕亦不以禮

處爾輩無君乃欲使朕無父乎紀等惶怖而退又云

九月巳亥 帝奉 章聖皇太后謁見 世廟 帝

諭撫臣曰 聖母欲謁 世廟卿謂何如宏一清



國初禮制皇后初謁太廟永樂時改謁奉先殿以正  
乾坤之位謹內外之防 帝問璵璫對曰唐開元禮  
有皇后廟見之儀 國初皇后謁太廟內外命婦陪  
祀永樂止謁奉先皆當時禮官失考非 祖制也  
皇太后 中宮宜先見 太廟以補前禮之缺次謁  
世廟以成典禮之全 席

書劉龍曰 高皇帝準古廟見禮爲大婚冊后之制  
未及施行復定冊后止謁奉先殿璵璫所引俱婚禮今  
行大祭禮不可附會璵璫曰周王宗廟之祭王服衮



冕而入立東序后服副禕而入立西序九獻各四拜  
是天子與后共承宗廟也 皇上毅然舉行以復古  
帝王之盛未爲不可因具儀以上席書等不能難乃  
請 聖母謁廟必 皇上同行以主斯禮從之又云  
初費宏議 世廟樂止用文舞隨全何淵言武舞未  
備宜議定一清詠鑒及侍郎劉龍言 高帝以武功  
定天下故奏武德文始之舞惠文二帝止用文始昭  
德世廟不用武舞未爲缺典張璁曰王制祭用生者  
爵 皇上尊 獻皇爲天子父樂額可缺耶且天子



八佾爲人六十四諸侯六佾爲人三十六國朝大廟  
文武舞各八計一百二十八人王國宗廟文武佾各  
六計七十二人獻皇在藩已用七十二人矣今追  
王而僅六十四人可乎桂萼言周禮以司干掌舞器  
祭統以翟爲樂之賤蓋音貴人聲而容貴干戚則去  
武舞者去所貴也而可乎帝曰爾據經籍推論甚  
明朕心甚嘉不用武舞寔爲缺典其卽增之又云  
上與輔臣從容評騭諸臣曰張孚敬忠誠才略但不  
惜人才耳人咸服上藻鑑又云張文忠其徇國之



純臣振古之人傑哉當議禮時舉朝元老公卿百執  
事三百餘人羣然一詞而上授 孝廟近庇 昭聖  
口執程朱之成說至撼門伏闕哭聲動地其景象何  
似而以一新進郎佐屹立其中不懾不悚詞嚴氣壯  
卒破千古之謬成 聖主之孝張寅大獄盡剖法吏  
成案活一家數十無辜之命以摧蔽主植黨之奸豈  
世俗億億佞佞者埒哉既荷知眷驟列台鼎慷慨任  
事署都察院而申明憲綱糾正下吏風紀肅然在內  
閣持議正直雖屢蒙嚴責而剴切益堅密謨讜論同



列多不與聞清勲戚莊田革侯伯世襲罷鎮守內臣  
在閣十年不進一內臣不容一私謁不濫蔭一子姪  
吏兵文武三選所指爲內閣質庫者未嘗有纖芥之  
私道有不合卽奉身而退衣囊一篋已渡潞河旣有  
溫旨旋踵復入以行李鮮而內顧輕也嘉靖末年華  
亭當國世亦共以爲賢然莊田美屋跨州郡出京之  
日大車幾百輛彌月不輟方舟而下連數百艘於文  
忠何如也霍文敏素伉直不輕予人而獨重文忠以  
此



陽事

卷十二

五















